

贈直大壹九部臣君手息從六位上大石贈正四位上文忌寸彌○彌誤麻呂息正七位下馬養贈正四位下昔○昔誤文連大伴息從七位上梗麻呂贈從五位上尾張宿禰大隅息正八位下稻置等一十人賜田各有差

〔續日本紀九元正〕養老六年二月戊戌賜正六位上矢集宿禰虫麻呂田五町從六位下陽胡史真身四町

從七位上大倭忌寸小東人四町從七位下鹽屋連古麻呂五町正八位下百濟人成四町並以選律令功也又賜諸有學術者二十三人田各有數

〔續日本紀二十元大化〕天平寶字元年十二月壬子太政官奏曰旌功錫命聖典攸重哀善行封明王所務我天下也乙巳○大化以來人々立功各得封賞但大上中下雖載令條功田記文或落其品今故比校昔今

議定其品大織藤原內大臣乙巳年功田一百町大功世々不絕贈小紫村國連小依壬申年功田一十

町贈正四位上文忌寸禰麻呂贈直大壹九部臣君手並同年功田各八町贈直大壹文忌寸智德同年

功田四町贈小錦上置始連菟同年功田五町五人並中功合傳二世正四位下下毛野朝臣古麻呂贈

正五位上調忌寸老人從五位上伊吉連博德從五位下伊余部連馬養並大寶二年修律令功田各十

町四人並下功合傳其子以上十條先朝所定贈大錦上佐伯連古麻呂乙巳年功田四十町六段被他驅率効力

誅姦功有所推不能稱大依令上功合傳三世從五位上尾治宿禰大隅壬申年功田四十町淡海朝廷

○天智諒陰之際義興警蹕潛出關東于時大隅參迎奉導掃清私策遂作行宮供助軍資其功實重准大

不及比中有餘依令上功合傳三世贈大雲星川臣麻呂壬申年功田四町贈大錦下坂上直熊毛同年

功田六町贈正四位下黃文連大伴同年功田八町贈小錦下文直成覺同年功田四町四人並歷涉戎

場輸忠供事立功雖異勞効是同比較一同村國連小依等依令中功合傳二世大錦下笠臣志太留告

吉野大兄密功田二十町所告微言尋非露驗雖云大事理合輕重依令中功合傳二世從四位下上道

朝臣斐太都天平寶字元年功田二十町知人欲反告令芟除論實雖重本非專制依令上功合傳三世